

KAHLOLELO E TIIŠETŠA GORE MOLAO WA TAOLO YA MOTŠHELO O SEPELELANA LE MOLAOTHEO

Tshwane, 14 Febereware 2025 - Khomišinare wa Ditirelo tša Motšhelo tša Afrika Borwa (SARS), Mra. Edward Kieswetter o amogetše kahlolelo yeo e filwego ka la 12 Febereware 2025 ya molato magareng ga Greyvensteyn le Khomišinare wa SARS le Ba bangwe.

Kahlolelo ye e tlile pele ga taelo ya molao ya kgatthanong le Andries Greyvensteyn ("Greyvensteyn") le *The Gold Kid (Pty) Ltd (Gold Kid)* ka fase ga karolo ya 163 ya Molao wa Taolo ya Motšhelo, 28 wa 2011 (TA Act) ka la 28 Febereware 2023. Taelo e dumeletše pušetšo ya dithoto tša naga ya ka ntle le go kgaoletša molefela motšhelo tokelo ya go etela ka ntle ga Repabliki go ya ka karolo ya 186 le 186(3). Gape e dumeletše taelo ya molao ya dithoto tša Greyvensteyn le Gold Kid gammogo le pušetšo ya kgapeletšo ya dithoto tša naga ya ntle tša Mra. Greyvensteyn.

Mokgopedi, Andries Greyvensteyn ("Greyvensteyn"), o tlhohlile taolelo ya dikarolo tša 180, 184(2), le 186(3) tša Molao wa Taolo ya Motšhelo 28 wa 2011. Karolo ya 180 e swarelela motho ka maikarabelo a sekoloto sa gagwe sa motšhelo ge eba go se hlokomele goba bofora bo diragetše ka go palelwa ke go lefela sekoloto sa motšhelo. Karolo ya 184(2) e nyaka gore SARS e fane ka sebaka sa kemelo pele ga ge motho a ka ba le maikarabelo a sekoloto sa motšhelo sa molefela motšhelo. Karolo ya 186(3) e dumelela kgorotsheko go dira taelo ya pušetšo ya dithoto tša molefela motšhelo tša naga ya ntle le go kgaoletša bokgoni bja gagwe bja go eta goba go sepetša kgwebo.

Greyvensteyn o fahletše ka gore dipeelo tše di tlotše ditokelo tša gagwe tša molaotheo, kudu karolo ya 34 (tokelo ya go fihlelela kgorotsheko) le dikarolo tša 21 le 22 (ditokelo tša tokologo ya mosepelo le go kgetha kgwebišano, mošomo, profešene ka go lokologa). O phegeletše gore magato a SARS a laetša go ithuša, go nyatša tokelo ya gagwe ya theeletšo ya maikutlo a setšhaba ya paale.

Kgorotsheko e hweditše gore magato a SARS ka fase ga karolo ya 180 le 184(2) a laeditše magato a taolo, ao a lekolwago ka fase ga Molao wa Tšwetšopele ya Taolo ya Toka (PAJA). Kgorotsheko e gateletše gore Greyvensteyn o nale tokelo ya tekolo

ya bokgaolakgang ya go lekola diphetho tša SARS, go kgonthiša phihlelelo ya kgorotsheko. Kgorotsheko gape e hweditše gore dikgaoletšo tšeo di beetšwego ka karolo ya 186(3) go ditokelo tša Greyvensteyn di be di kgwagala gape di lokafetše go setšhaba se se lego pepeneneng le temokrasi, ka lebaka la bohlokwa bja go koleka motšhelo wa dikgahlego tša setšhaba. Kgorotsheko e tiišeditše go ba molaong ga dikarolo tša 180, 184(2), le 186(3). Kgotelo e ile ya fedišwa ka ditefišo, go akaretša ditefišo tša dikhansele tše nne tša sekala sa C.

Maatla le mošomo wa SARS wa go utulla metšhelo ga se gore a hloka magomo gomme kahlolelo ye e tiišetša gore le ge eba SARS e ka no se tšweletše maatla a yona le mešomo ya yona ka tsela yeo e tloago ditokelo tša molaotheo, kgorotsheko e kgonthišetše gore melawana ya gabjale ga e robe ditokelo tša molaotheo tša molefela motšhelo.

Khomišinara Kieswetter o boletše gore “sephetho sa pele se tiišetša gape taolelo ya semolao ya SARS ya go phethagatša mošomo wa yona wa go koleka metšhelo ka moka yeo e kolotwago mmušo ka phethagalo. Se bohlokwa, e bile poeletšo ya kgorotsheko ya dipeelo tša go dumelela SARS go gore e šomane le sekoloto sa leloko la boraro, pušetšo ya dithoto tša naga ya ntle le gore dithibelo tša maeto di be molaong gape e be tša molaotheo. SARS e tlo tšwelapele go fana ka hlathollo le tiišetšo go balefela motšhelo mola e dira gore go be bonolo go dira ditransekšene le setheo. Le ge go le bjalo, SARS e tlo kgatlhana le magato afe goba afe ka bogale a molefela motšhelo a maikemišetšo a go nyatša tagafara ya yona”.

Go hwetša tshedimošo enngwe, ka kgopelo ikgokaganye le SARS go SARSMedia@sars.gov.za

BOFELO